

CONVENIO DE COLABORACIÓN ENTRE A XUNTA DE GALICIA A TRAVÉS AXENCIA TURISMO DE GALICIA E OS CONCELLOS DE ARBO, A CAÑIZA, COVELO, CRECENTE, MONDARIZ-BALNEARIO, MONDARIZ, AS NEVES, PONTEAREAS, SALCEDA DE CASELAS E SALVATERRA DO MIÑO PARA A REALIZACIÓN DE ACTIVIDADES DE PROMOCIÓN E INFORMACIÓN TURÍSTICA NO XEODESTINO CONDADO -PARADANTA

Santiago de Compostela, 15 de setembro de 2017

REUNIDOS

Dunha parte, D^a M^a Nava Castro Domínguez, en representación da **Axencia Turismo de Galicia**, con domicilio na Barcia, estrada Santiago-Noia, km. 3, 15897, Santiago de Compostela, en calidade de directora, en virtude do nomeamento realizado polo Decreto 159/2016, do 24 de novembro (DOG núm. 226, do 25.11.2016), e actuando en virtude das facultades conferidas polos artigos 5 e 19 dos estatutos da Axencia Turismo de Galicia, aprobados polo Decreto 196/2012, do 27 de setembro, polo que se crea a Axencia de Turismo de Galicia e se aproban os seus estatutos.

Doutra, Xosé Represas Giráldez, con NIF 35546639R, alcalde de Ponteareas, en calidade de concello encomendado, de acordo co convenio de colaboración entre os concellos de Arbo, A Cañiza, Covelo, Crecente, Mondariz-Balneario, Mondariz, As Neves, Ponteareas, Salceda de Caselas e Salvaterra de Miño pra a xestión compartida do proxecto de creación dun xeodestino na comarca do Condado-Paradanta, e ao abeiro das competencias que para vincularse neste acto se lle confire no artigo 21.1 b) da Lei 7/1985 de 2 de abril, de Bases do Réxime Local.

Interveñen en función dos seus respectivos cargos en exercicio das facultades que, para convir en nome das entidades que representan teñen conferidas.

EXPOÑEN

Primeiro.- Que os concellos, segundo se sinala no artigo 25.2.m) da Lei 7/1985, do 2 de abril, reguladora das bases de réxime local, posto en relación coa Lei 7/2011, do 27 de outubro, do turismo de Galicia, teñen competencias en materia de turismo.

Segundo.- Que o artigo 148.1.18ª da Constitución establece como competencias da Administración Xeral do Estado que poderán asumir as Comunidades Autónomas, a relativa á promoción e ordenación do turismo no seu ámbito territorial.

Que a Comunidade Autónoma de Galicia ten competencias, con carácter exclusivo, tal e como se desprende do contido do seu Estatuto de Autonomía, en materia de promoción e ordenación do turismo dentro da Comunidade (artigo 27.21).

Terceiro.- Que a Axencia Turismo de Galicia, segundo o Decreto 196/2012, do 27 de setembro polo que se crea a Axencia de Turismo de Galicia e se aproban os seus estatutos, é o órgano da Xunta de Galicia ao que lle corresponden o exercicio, entre outras, das competencias en materia de coordinación, impulso, xestión e execución das actividades promoción do turismo.

Para lograr esta finalidade a Axencia Turismo de Galicia acomete, no ámbito das súas competencias, un decidido apoio á promoción e fomento do sector turístico de Galicia. No exercicio das súas funcións, correspóndelle executar as medidas definidas para a promoción e fomento do sector turístico de Galicia, levar a cabo plans e programas de acción e colaborar no desenvolvemento de actuacións que lle permitan acadar os seus obxectivos.

Co obxecto de promover o turismo no xeodestino na comarca Condado-Paradanta, as partes consideran esencial colaborar na execución deste convenio xa que se trata dunha acción de interese común, cofinanciada por ambas partes e con beneficios conxuntos. Todo isto englobase ademais, no eido competencial da Axencia Turismo de Galicia, no seu programa 761A.

Cuarto.- A Constitución recolle no artigo 103 que a Administración debe actuar de acordo, entre outros, cos principios de eficacia e coordinación. Nesa liña, o actual escenario de crise económica que afecta tamén aos concellos obriga a impulsar medidas relativas á xestión eficaz e eficiente dos recursos dispoñibles, co obxecto de poder continuar prestando ou prestar os servizos aos cidadáns en condicións de calidade que satisfagan ás súas necesidades, sendo preciso minimizar custos e xestionar de forma compartida nas actuacións públicas.

Tanto a LRBRL como a LALGA e a Lei 40/2015, do 1 de outubro, de réxime xurídico do sector público, recollen ao longo do seu articulado o principio xeral de colaboración interadministrativa.

Quinto.- A Lei 7/2011, do 27 de outubro, de turismo de Galicia ten entre as súas finalidades potenciar a oferta turística galega, a través de medidas de fomento que permitan modernizar e profesionalizar

o sector turístico e as súas infraestruturas, e mellorar a calidade e a competitividade da oferta turística. Con esta finalidade regúlanse na devandita lei os xeodestinos.

A lei define como xeodestinos turísticos as áreas ou espazos xeográficos limítrofes que comparten unha homoxeneidade territorial baseada nos seus recursos turísticos naturais, patrimoniais e culturais, con capacidade para xerar fluxos turísticos e que, xunto á súa poboación, conforman unha identidade turística diferenciada e singular. Os xeodestinos terán un especial protagonismo nas accións de promoción turística da Administración autonómica. Poderán ser utilizados, tras a súa creación, tanto por entidades públicas como privadas, sempre dentro da marca turística global «Galicia» e sen que poidan empregarse como nome comercial, rótulo de establecementos ou vehículos e marcas de bens e servizos.

Sexto.- Como consecuencia da aplicación da normativa sinalada, o 23 de xaneiro de 2017 foi asinado un convenio de colaboración para a xestión compartida do proxecto de creación dun xeodestino na comarca Condado-Paradanta. Os concellos que integran o xeodestino de O Condado-Paradanta son: Arbo, A Cañiza, Covelo, Crecente, Mondariz-Balneario, Mondariz, As Neves, Ponteareas, Salceda De Caselas e Salvaterra do Miño.

As actividades relacionadas coa promoción, dinamización e fomento da riqueza e do turismo da comarca do Condado-Paradanta, contribúen á potenciación do xeodestino que configura o ámbito desta comarca e á súa consolidación como destino turístico de interior e consecuentemente, xerador de emprego e redistribuidor de riqueza.

Na cláusula cuarta do convenio establécese que *“a xestión do servizo ou proxecto será realizada polo Concello de Ponteareas e incluíra todo o relacionado coa xestión do mesmo, aspectos materiais, técnicos ou de servizos (...).*

En consideración a todo isto, é vontade das partes asinantes a colaboración na xestión das actividades relacionadas, de acordo ás seguintes

CLÁUSULAS

Primeira.- Obxecto do Convenio.

É obxecto do presente convenio establecer as bases de colaboración entre a Axencia Turismo de Galicia e o xeodestino Condado-Paradanta para a execución das seguintes actuacións:

1. Coordinación

1. Recompilar e analizar os proxectos antecedentes e converxentes, de cara a optimizar os recursos e buscar a maior eficiencia do investimento.
2. Promover a implicación do empresariado e do tecido asociativo, mediante a detección conxunta de oportunidades para a dinamización e o emprendemento, de cara ao desenvolvemento e consolidación de paquetes turísticos.
3. Xestión da comunicación (preparación de notas de prensa, actualización de contidos da web, proxección destes contidos nas redes sociais...)
4. Planificar, definir e dirixir os proxectos recollidos nesta memoria.
5. Promover a coordinación e a integración informativa entre puntos de información turística (oficinas de turismo, centros de interpretación turística, etc.)
6. Colaborar en canto requira a Axencia de Turismo de Galicia para o seguimento e xustificación do proxecto.

2. Espazo web

Crearase unha páxina web. Os contidos presentaranse nos idiomas galego, castelán e inglés, con textos de calidade baseados en fontes rigorosas. Incluirá unha guía de servizos completa e actualizada, na que terán un lugar destacado os servizos de ocio e os paquetes turísticos dispoñibles.

Ademais dun deseño atractivo e de fácil manexo polos usuarios, esta web deberá contar cun xestor de contidos versátil e fácil de usar.

O espazo web incluirá unha estratexia de posicionamento en buscadores (natural e de pagamento) e será facilmente difundible nas redes sociais (mediante os correspondentes botóns en cada sección para compartir en facebook, twitter, etc.)

Contará igualmente cunha axenda para destacar os principais eventos turísticos que se suceden ao longo do ano no xeodestino.

Todo o material promocional que se menciona nesta memoria e, na medida do posible, os materiais elaborados previamente, estará dispoñible de forma ordenada na páxina web (por exemplo, as guías e folletos en PDF, os audiovisuais mediante incrustacións de youtube, etc.)

3. Material promocional e informativo básico

Elaborarase e publicarase un mapa-tríptico para que o turista poida ubicarse e recoñecer mediante símbolos os elementos aos que acudirá en función das súas preferencias, o tempo dispoñible ou a proximidade desde a súa ubicación. De acordo co formato típico, nunha cara encontraríase o mapa e na outra unha enumeración ou descrición sintética dos elementos representados nel.

Este soporte complementase cunha guía xeral na que se describan con maior detalle e amplitude os principais elementos de interese no destino.

A extensión, formato e estrutura tanto da guía xeral como do mapa-tríptico definírase priorizando a utilidade para o turista.

Esta actuación non conclúe na impresión do material, senón que comprende tamén a súa distribución estratéxica nos puntos de información turística da comarca, e un seguimento da súa demanda. Tamén estará dispoñible na páxina web, onde se rexistrarán as descargas realizadas do mesmo.

4. Vídeo promocional

Producirase un vídeo promocional co obxectivo do seu posicionamento en internet e en canles como youtube

O vídeo promocional incluírá unha estratexia de difusión nas redes sociais, de cuxo éxito se dará conta con datos estatísticos na correspondente memoria xustificativa.

O resultado do traballo contará con distintos formatos, de distinta duración, adecuados aos distintos posibles usos, primando sempre a efectividade.

5. Actuacións temáticas

Turismo cultural e natural do territorio.

Prospección en recursos culturais e naturais do territorio ligado os recursos endóxeos para ser valorizado turisticamente.

Prevenise as seguintes actuacións:

Deseño de paquetes-actividades coa participación do empresario (detectando tamén oportunidades para o emprendemento).

Elaboración de soportes promocionais: material impreso (incluída a distribución estratéxica), audiovisual (aproveitando materiais do video xeral e incidindo no posicionamento na rede), web (microsites, blogs temáticos, publicación de rutas e itinerarios en googlemaps, wikiloc, etc.)

Comercialización de paquetes mediante acordos con operadores

Segunda.- Financiamento

O orzamento estimado para a execución das actuacións recollidas na cláusula primeira ascende a trinta e seis mil euros (36.000,00€) dos que a Xunta de Galicia, a través da Axencia Turismo de Galicia, achegará con cargo aos orzamentos xerais da Comunidade Autónoma para o ano 2017, trinta mil euros (30.000,00€) con cargo á aplicación 04.A2.761A.760.3 na que existe crédito adecuado e suficiente e se aplicarán para o pago dos gastos que se relacionan na cláusula primeira.

Con cargo ás achegas aprobadas para o 2017 recollidas no convenio de colaboración para a xestión compartida da promoción turística conxunta dos concellos da comarca Condado-Paradanta o Concello de Ponteareas achegará con cargo aos orzamentos para 2017 a cantidade de seis mil euros (6.000,00 €) que se destinarán ao pagamento dos gastos recollidos no punto 1 da cláusula primeira.

No anexo I deste convenio, recóllese o desagregamento dos gastos.

Terceira.- Compromisos da Xunta de Galicia.

A Axencia Turismo de Galicia achegará para o desenvolvemento destas actividades a cantidade total de trinta mil euros (30.000,00 €) que se imputarán con cargo á aplicación orzamentaria 04A2.761A.760.3 dos orzamentos xerais da Comunidade Autónoma de Galicia do ano 2017.

De acordo co artigo 31.6 da Lei 9/2007, do 13 de xuño, de subvencións de Galicia e artigo 63.4 do Decreto 11/2009, do 8 de xaneiro, que a desenvolve, a Axencia Turismo de Galicia realizará a súa achega mediante anticipo do 100% da mesma, unha vez asinado o presente convenio.

Conforme ao artigo 65.4.c) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de Subvencións de Galicia o Concello de Ponteareas queda exonerado da constitución de garantía.

De acordo co artigo 26 da Lei de subvencións de Galicia non é posible promover a concorrência pública para a realización destas actividades posto que se trata dunha zona que dende o punto de vista turístico é un referente en Galicia e fóra dela, cunha alta proxección turística baseada no

patrimonio natural. Estas accións enmárcanse nunha estratexia de perseverar nos territorios que xa tiveron plans de dinamización ou excelencia turística tratando de continuar coa colaboración interadministrativa e facer destinos turísticos singulares e diferenciadores que especialicen a súa oferta turística para enriquecer o conxunto de Galicia.

Cuarta.- Compromisos do Concello de Pontearreas

- Diseñar, coordinar e executar as accións obxecto do presente convenio e poñer todos os medios técnicos e humanos necesarios para o desenvolvemento do mesmo e asumir os gastos de persoal e correntes que orixinen a posta en marcha das actividades.
- Facer constar a colaboración da Xunta de Galicia – Axencia Turismo de Galicia- en toda a publicidade (impresa, audiovisual, ..) que xeren as actividades deste convenio e inserir a marca turística de Galicia segundo o establecido no manual corporativo da Xunta de Galicia.
- Comunicar á Axencia Turismo de Galicia a obtención doutras subvencións, axudas ingresos ou recursos que financien a actividade subvencionada procedentes de calquera administración ou entes públicos ou privados nacionais ou internacionais. Esta comunicación deberá efectuarse tan pronto como se coñeza e en todo caso, con anterioridade á xustificación da aplicación dos fondos recibidos. De acordo co disposto no artigo 40.1 d) do Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia, a achega económica prevista neste convenio será compatible con outras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais, da Unión Europea ou organismos internacionais.
- En ningún caso o importe das subvencións as que se refire o parágrafo anterior poderá superar, no seu conxunto, o custe da actividade subvencionada, ao abeiro do disposto no artigo 17.3 da Lei 9/2007.
- Acreditar ante a Axencia Turismo de Galicia o cumprimento do deber de remisión ao Consello de Contas das contas xerais de cada exercicio, conforme o indicado no artigo 4 do Decreto 193/2011, do 6 de outubro, polo que se regulan especialidades nas subvencións ás entidades locais galegas.
- No suposto de adquisición, construción, rehabilitación e mellora de bens inventariables o beneficiario deberá destinar os bens ao fin concreto para o cal se concedeu a subvención por



un período mínimo de cinco anos en caso de bens inscribibles nun rexistro público, e de dous anos para o resto dos bens.

- Reintegrar total ou parcialmente, a subvención percibida no suposto de incumprimento das condicións establecidas para a súa concesión, e a exigencia do xuro correspondente desde o pagamento da subvención ata a data en que se acorde a procedencia de reintegro cando concorran algunha das causas sinaladas no artigo 33 da Lei 9/2007, do 13 de xuño, de subvenciones de Galicia, e a obriga de facilitar toda a información que se lle requira pola Axencia Turismo de Galicia en relación coa xustificación do convenio, e pola Intervención Xeral da Comunidade Autónoma de Galicia, o Tribunal de Contas e o Consello de Contas, no exercicio das súas funcións de fiscalización e control de destino de axudas.
- Dar o seu consentimento para a publicación da axuda concedida no Diario Oficial de Galicia, na páxina web oficial da Axencia Turismo de Galicia e nos rexistro públicos, de acordo co establecido no artigo 15 da Lei 1/2016, de 18 de xaneiro, de transparencia e bo goberno, no Decreto 126/2006, do 20 de xullo, polo que se regula o Rexistro de convenios da Xunta de Galicia e no Decreto 132/2006, do 27 de xullo, polo que se regula os rexistros públicos creados nos artigos 44 e 45 da Lei 7/2005, do 29 de decembro, de orzamentos xerais da Comunidade Autónoma de Galicia para o ano 2016.

Quinta.- Xustificación dos investimentos

1. A xustificación da execución das actividades subvencionadas realizarse segundo a modalidade de conta xustificativa de acordo co disposto no artigo 28 da Lei 9/2007 de subvencións de Galicia e no artigo 48 do Decreto 11/2009, do 8 de xaneiro, polo que se aproba o seu regulamento, para o que o Concello de Pontearreas, deberá presentar:

- Informe ou memoria global sobre as actividades realizadas.
- Certificación detallada dos gastos expedida pola intervención ou órgano que teña atribuídas as facultades de control da toma de razón en contabilidade e do cumprimento da finalidade para que foi concedida, na que se consignarán os importes executados e a relación de facturas correspondentes así coma o cumprimento do compromiso de recoñecemento de obriga ou pagamento no seu caso.
- Certificación emitida pola Secretaría da entidade local acreditativa do cumprimento da normativa de contratación do sector público, acompañada de copia simple do expediente de



contratación realizado para levar a cabo as actuacións, sen prexuízo das comprobacións que se poidan facer sobre os orixinais; no seu caso achegaranse os tres orzamentos que en aplicación do artigo 29.3 da Lei de Subvencións de Galicia, deba ter solicitado o beneficiario.

- Declaración responsable do órgano competente da entidade de estar ao día no cumprimento das obrigas tributarias e fronte á Seguridade Social, e de non ter pendente de pagamento ningunha outra débeda coa Administración pública da Comunidade Autónoma. Estas declaracións presentaranse con anterioridade á sinatura do presente convenio.
 - Facturas, orixinais ou copias compulsadas, correspondentes á execución das actividades obxecto do convenio.
 - Transferencias bancarias ou documentos acreditativos dos pagos realizados, orixinal ou copia compulsada, correspondentes á execución do obxecto do convenio.
 - No caso de ser financiadas as actividades, ademais de coa subvención, con fondos propios ou outras subvencións ou recursos, deberá acreditarse na xustificación o importe, procedencia e aplicación de tales fondos ás actividades subvencionadas, de conformidade co disposto no artigo 28.6 da lei 9/2007, do 13 de xuño, de subvencións de Galicia.
 - De ser o caso, os tres orzamentos que se requiren en aplicación do artigo artigo 29.3 da Lei 9/2007, do 13 de xuño, de subvencións de Galicia.
 - No seu caso, carta de pago de reintegro no suposto de remanentes non aplicados así como dos intereses dereivados destes.
2. Consideraranse subvencionables os gastos que, respondan de xeito indubidable á natureza da actividade subvencionada e de acordo co artigo 29.2 da Lei de subvencións de Galicia consideraranse gasto realizado o que foi efectivamente pagado con anterioridade á finalización do período de vixencia do convenio.
3. O prazo para a xustificación por parte do Concello de Ponteareas da aplicación dos fondos percibidos remata o 15 de decembro de 2017. De non xustificarse en prazo a cantidade total subvencionada, deberá reintegrar proporcionalmente o non xustificado, e a Xunta de Galicia minorará a súa achega proporcionalmente ao non xustificado, sempre e cando se acade o obxecto do convenio.

Non obstante, non se entenderá incumplida a obriga de xustificación das actuacións obxecto deste convenio no caso de variacións das contías previstas nas distintas partidas establecidas no

orçamento estimado no anexo, cando obedezan a razóns xustificadas e as actuacións que se levaran a cabo gardan relación directa co obxecto do presente convenio, e sempre que se xustifique o importe total.

4. Consonte o disposto no artigo 17.4 da Lei 9/2007 de subvencións de Galicia toda alteración das condicións tidas en conta para a concesión da subvención, poderá dar lugar á modificación do convenio.

Sexta.- Garantía de pagamento

Estableceranse as seguintes obrigas:

1. O prazo máximo para a realización do pago comprometido, queda fixado no día 31 de decembro de 2017.
2. O prazo para a reclamación por parte do Concello en caso de incumprimento do pago comprometido pola Axencia de Turismo de Galicia, queda fixado nun período máximo de 10 días dende a finalización dos prazos establecidos no punto anterior.

Sétima- Comisión de seguimento

Para o desenvolvemento e bo fin deste convenio de colaboración constituirase unha comisión paritaria que velará polo cumprimento das obrigas das partes e adoptará cantas medidas e especificacións técnicas sexan precisas de cara a garantir a boa execución do convenio. A súa actuación axustarase ao establecido na Lei 40/2015, do 1 de outubro, do Réxime Xurídico do Sector Público, e na Lei 16/2010, do 17 de decembro, de organización e funcionamento da Administración xeral e do sector público autonómico de Galicia.

Oitava- Vixencia do convenio.

Este convenio entrará en vigor ao día seguinte a súa sinatura e estenderá a súa vixencia ata o 15 de decembro de 2017. Non obstante a cláusula anterior, o presente convenio ampara as actuacións realizadas desde o 1 de xaneiro de 2017. O Concello de Ponteareas como entidade executora e xestora das actuacións, será a responsable do mantemento en todo momento e trala finalización da vixencia temporal do mesmo, das finalidades propias do Convenio.

Novena.- Natureza xurídica e xurisdición competente.

Este convenio ten natureza administrativa, sendo competente para entender dos litixios que puidesen xurdir respecto da súa interpretación e execución a xurisdición contencioso-administrativa, e queda fóra do ámbito do Real Decreto Lexislativo 3/2011, de 14 de novembro, polo que se aproba o texto refundido da lei de contratos do sector público, que os exclúe expresamente no apartado c) do artigo 4.

Para todo o non previsto expresamente no texto deste convenio será de aplicación o réxime determinado pola Lei 9/2007, do 13 de xuño, de subvencións de Galicia, o Decreto 11/2009, do 8 de xaneiro que a desenvolve, e en canto non se opoña ao establecido na antedita Lei 9/2007, a Lei 38/2003, do 17 de novembro, xeral de subvencións e o Real decreto 887/2006 que a desenvolve, a Lei 1/2016, do 18 de xaneiro, de transparencia e bo goberno e demais normativa que sexa de aplicación.

Décima.- Publicidade do convenio

En cumprimento do disposto no artigos 18 e 20.8 da Lei 38/2003, do 17 de novembro, xeral de subvencións (LXS en diante) comunicárase a subscrición deste convenio á Base de Datos Nacional de Subvencións que operará como sistema nacional de publicidade de subvencións.

Así mesmo estarase ao disposto no artigo 15 da Lei 1/2016, do 18 de xaneiro, de transparencia e bo goberno, sobre as obrigas específicas de información sobre convenios. A sinatura do convenio leva implícita a autorización para o tratamento necesario dos datos e a referida publicidade.

Asemade procederase a inscrición do convenio no Rexistro de Convenios, de conformidade co establecido no artigo 5 do Decreto 126/2006, do 20 de xullo, polo que se regula o Rexistro de Convenios da Xunta de Galicia.

Décima primeira.- Autorización e consentimento para que se publiquen os datos persoais e demais especificacións que figuran no convenio

As partes asinantes autorizan e consenten a publicidade dos seus datos persoais e demais especificacións recollidas no presente instrumento de colaboración no Portal da Transparencia e Goberno Aberto.

Segundo o artigo 17 da Lei 1/2016, de 18 de xaneiro, ademais da información que debe facerse pública segundo a normativa básica en materia de transparencia, a Axencia Turismo de Galicia publicará o texto íntegro do convenio.

Décimo segunda.- Resolución

Serán causas de resolución do presente convenio:

- O cumprimento do seu obxecto.
- O incumprimento total ou parcial dalgunha das cláusulas que o regulan.
- O transcurso do tempo estipulado sen que se culminen as actividades acordadas.
- O acordo unánime dos asinantes.

Lido polas partes, por si mesmas, e como proba de conformidade co expresado no presente Convenio, asínano e rubrícano por triplicado exemplar, no mesmo lugar e data que se indica ó comezo.

POLA XUNTA DE GALICIA

A DIRECTORA DE TURISMO DE GALICIA

M^a Nava Castro Domínguez**POLO CONCELLO DE PONTEAREAS**

O ALCALDE

Xosé Represas Giráldez

ANEXO I

ACCIÓN	CUSTE ESTIMADO
2.Espazo web	8.000,00 €
3.Material promocional e informativo básico	9.000,00 €
4. Video promocional	7.000,00 €
5. Actuacións temáticas. Deseño de paquetes coa participación do empresariado,soportes promocionais e comercialización de paquetes	6.000,00
<i>Subtotal achega Turismo de Galicia</i>	<i>30.000,00 €</i>
1. Coordinación (achega concellos)	6.000,00 €
<i>Subtotal achega concellos</i>	<i>6.000,00 €</i>
TOTAL	36.000,00 €